

宋元方志叢刊

中華書局編輯部編

宋元方志叢刊

第二冊



中華書局

目錄

第一册

雲間志 一—七二

長安志 七三—二三五

類編長安志 二三七—二七八

雍錄 三七九—五〇八

齊乘 五〇九—六三七

吳郡圖經續記 六三九—六九一

吳郡志 六九三—一〇四九

淳祐玉峯志 一〇五二—一〇九六

咸淳玉峯續志 一〇九七—一一〇九

至正崑山郡志 一一二—一二四五

第二册

琴川志 一二四七—一三〇九

景定建康志 一三二—一三二八〇

第三册

無錫志 二二八—二二九

嘉定鎮江志 二二九—二六〇五

至順鎮江志 二六〇七—二九四六

咸淳毗陵志 二九四七—三三二一

第四册

乾道臨安志 三三二—三三五五

淳祐臨安志 三三五七—三三三三

咸淳臨安志 三三三三—四二七四

琴川志叙

知常熟州事淮南盧君嘗以古者郡國有圖風土有記所以備一方之紀載今之志書即古之圖記也其可廢乎哉然常熟舊志自宋兵南渡版籍不存至慶元丙辰縣令孫應時始編次為書其後縣升為州歷年浸遠而是書之存焉者寡且丙辰以後續其所未備者後未有其人非缺典歟乃亟訪孫令所編而重正之合十有五卷仍其舊名而題之曰重修琴川志予得而讀

琴川志序

之然後知君之善為政也夫士之善為政者必先其所急以及其所緩為之衣食以厚民之生為之教化以淑民之德獄訟以戒其不率賦斂以正其不均此最其所急而不可緩者也至於攷其人物之愚智風俗之盛衰以及生產之同異山川之險夷凡此之類蓋差可緩而不可廢者也故用事於一州者得通敏有為之士則將裁正乎緩急之間而不謬其序區別乎先後之際而不失其宜矣嗚呼若君之在常熟其殆庶

幾於此者乎常熟為吳之支郡以言其人物則姬泰伯之所逃夫差項籍之所霸也以言其風俗則有言游公子札之文雅朱買臣陸機雲兄弟之馳驟范蠡希文張季鷹之慷慨高舉也以言其生產則陸海鹽締鍛冶之饒聞於東南也以言其山川則有海隅鳥目之形勝大江東海之要害也若此數事蓋皆為政者之不可以不考焉者也於是君之下車蓋逾年矣凡州政之所宜急者亦既悉舉而先之而又不廢其所緩

琴川志序

歷攷前數事以成乎是書真所謂通敏有為之士哉魯周官職方氏掌天下之圖與其財用穀畜之數要周知其利害則志書者蓋三代為政之法而後世尤謹著之以為政寔今君之為迺能先民之所急而後及乎是故曰善為政也書將鉸梓以行君命士友陸景元來謂予曰子執筆史館其言為足徵幸為我序之子雖不識君然聞君之為政是州者頗悉故直書所聞以授之使後之人觀之亦足以感發而興起矣君名

重修琴川志

姑蘇為吳王之故都今為畿輔之大郡若常熟則為郡之大縣自春秋距今千六百餘年其壤地之間建置之沿革風物之變遷與夫事跡之涉於理亂善惡之繫於勸懲可書者宜若不可勝紀余家世東海南渡初曾叔大父光祿公仕于吳因寓于此余端平乙未方自淮來依宗黨始至嘗問客曰縣名常熟其義安在始何時客應之曰紹興縣宰題名云梁改南沙為常熟

琴川志序

四

命名之義則不知也又問有圖經可以參考否曰所誌亦同有故老可以質問否曰無可與語者及觀陸澄吳地記有吳郡常熟縣之文則齊代已有常熟之名非改於梁也吁宰是邑生長是邑雖更易之歲月名稱之意義且不及知它復何望焉此前人失於紀述故後人無所稽據遂使名都大邑傳信失實良可歎已龍泉鮑君廉來縮縣章每以圖志未詳為闕典於是與邑之秀民鍾君秀實胡君淳芴搜博采攷古訪舊

裒輯會粹討論是正以增益其所未至迨再考後始能成編列為十門條分類析固不敢謂盡無遺闕然視舊志則粗備也晉周官職方氏掌天下之圖與其財用穀畜之數要周知其利害蕭何收秦圖籍具知天下阨塞戶口多少疆弱自非郡國有志風土有記何因而然茲事於縣政若緩而實切益傳今貽後所關者大鮑君可謂知所先務矣寶祐甲寅中元日胸山丘岳叙

琴川志序

總叙

郡有志邑亦有志志非史也所以述史而備記也聖人之於史亦惟述而不作况邑志乎琴川舊志荒落丙辰慶元孫應時修飾之夏八政庚午嘉定葉凱始取而廣其傳時久人殊事多闕且軼覽者病焉於是叙縣以表之有邑此有長有長此有丞下於丞曰簿尉酒稅是為縣官鎮有監察有巡各庀乃職以贊其長故次之以叙官邑于虞山之陽鄉招真行山之南境則之秋

琴川志

六

報而西迤興福行山之北境則之宣化而北山縣之鎮也故次之以叙山縣有海嶠南沙常熟之異名又別曰琴川其義蓋內取七港外取五浦要亦專指水為言而溝洫之利以之江海之防以之故次之以叙水邑為沮洳之區田疇衍沃而病于經界之久壤端平始釐正之畝步既正賦役向平故次之以叙田中興重在江防禁旅舟師雲屯許水近又增福山新軍而縣之弓兵寨兵亦所不可廢故次之以叙兵山川蓋靈

秀所蓄也虞山瑰奇琴川清淑其鍾而生之者亦必有異矣故次之以叙人人固有之物亦宜然土地所出風氣所宜殆不一種故次之以叙物內之道宮梵宇槩見述縣之目其以靈異著于鄉都間古迹頗可覆而邑人奉西方教者尤夥故次之以叙祠若夫斷碑仆碣之僅存新珉近琬之方揭棲墨于垣塗粉于枌亦足為千古之證也故以叙文終焉博學宏辭科迪功郎新浙西安撫司準備差遺褚中撰

琴川志

七

重修琴川志目錄

卷第一

叙縣

縣境

縣城

坊

廟學

公廨

亭樓

倉庫

義阡

鎮

三岡

卷第二

叙縣

縣界

卷第三

叙官

縣治

門

巷

社壇

館驛

橋梁

營寨

池

市

酒坊

鄉都

琴川目錄

縣令

主簿

監務

巡檢

卷第四

叙山

卷第五

叙水

江防

水利

涇

卷第六

叙賦

田

戶口

苗

役錢

拍店

縣丞

縣尉

監鎮

海道

湖

塘

叙賦据褚叙應作叙田○按新志郭南叙亦作叙田

地

稅

常平義倉

酒課

醋息

商稅

上供

錢庫

職田

縣役人

鄉役人附義役省割文

卷第七

叙兵

許浦水軍

顧逕水軍

寨兵

舖兵

卷第八

叙人

琴川目錄

進士題名

人物

隱逸

卷第九

叙產

卷第十

叙祠

廟

寺觀

冢墓

卷第十一

叙文

碑記

卷第十二

叙文

碑記

卷第十三

叙文

碑記

卷第十四

琴川目錄

題詠

卷第十五

拾遺

按琴川志自宋南渡版籍不存其後慶元丙辰縣令孫應時嘗粗修集迨嘉定庚午縣令葉凱始廣其傳至淳祐辛丑縣令鮑廉又加飾之然後是書乃為詳悉自是迄今且百餘年顧編續者未有其人而舊梓則已殘毀無遺矣靖惟是

州虞仲子游文化之地不可無紀爰屬  
耆老顧德昭等徧求舊本公暇集諸士  
叅攷異同重鈐諸梓其成書後凡所未  
載各附卷末總十有五卷仍曰重修琴  
川志其續志則始於有元焉至正癸卯  
秋七月初吉守禦常熟領兵副元帥兼  
平江路常熟州知州盧鎮謹識

琴川志

重修琴川志卷一

叙縣

古制五鄙為縣此遂縣也四甸為縣此州縣也  
王畿千里分為百縣縣有四郡此畿縣也時縣  
大而郡小至春秋楚莊王滅陳遂縣陳則縣為  
尤大戰國相侵大國分置郡邑縣鄙秦分三十  
六郡以監天下之縣而縣始統于郡矣是制一  
定迄今行之茲地之為縣也自晉始而海虞南  
沙常熟凡三易名其要革當紀其沿革當具其

琴川志

建置本末嘗攷其事目小大當詳俾考古以訂  
今者於此乎有稽焉故作叙縣

望常熟縣

唐為繁縣宋初詳符圖漢會稽郡

吳縣有虞鄉乃縣地也吳孫權時嘗置虞農

都尉於此晉武帝太康四年始建為海虞縣

仍屬吳郡

按晉招真治碑海虞縣者成帝咸

康七年分海虞置南沙縣屬晉陵郡今縣北

有南齊以南沙為常熟縣今崑山縣一百三

也前志及紹興題名記皆謂梁改南沙為

虞山記乃齊永明間陸澄所作則梁因之及

在齊已有常熟之名曰梁改悉誤

置信義郡隋平陳郡廢縣屬吳州并所領海

隅前京信義海虞興國南沙入焉治南沙城

按梁書梁初分婁縣置信義郡大開初復分

信義置崑山縣隋初廢信義入常熟時崑山

亦廢故信義為常熟地至開皇十八年復置

崑山縣信義村曰信義土人咸訛為鎮義據此

二說則信義非常熟地矣然前志縣有信義

坊又舊志云信義亦名信至唐高祖武德七年

義必有其故受改侯博移於海虞城至齊門即今治也若縣所以名

之義則未有攷意者海虞以山南沙以地而

琴川卷一

常熟則或以土壤膏沃歲無水旱而名歟

詩有歲歲多收常熟田之句意亦可見今縣

境有常熟山在縣北三十餘里本名銅官山

唐天寶中改為常熟山又別名曰琴川此其

則山蓋是因縣為各耳

顛末也注縣治前後橫港凡七皆西受山水東

餘皆理塞或云五浦注江亦若琴弦或又云

取言游弦歌之意然弦歌乃武城事於此

附會矣

縣境  
縣在郡東北百有五里東西九十里北一百

里是為提封之境東五十里入崑山縣界西四

十里入江陰軍江陰縣界南五十里入長洲縣

界北五十里至楊子江以江為界是為四正之

境東南九十里入崑山縣界以花濱口為界東

北一百一十里入崑山縣界以浪港浦為界西

南一百一十里入常州無錫縣界西北一百七

十里入江陰軍江陰縣界是為四隅之境至杭

州四百六十五里

縣城 諸城附  
縣有城古制也張璠為福祿令治為百城最巨

琴川卷一

又為綿竹令政為諸城首古今地理志縣以城

名者不一常熟縣城其廢已久而墅落諸城名

尚可攷前志云縣界相傳有城十二而舊所載

者石城金城城尚墅城九里城凡四而已訪之

近地有鵝城城朗城莫城餘未知其詳今縣

東三十里有陔城閭城郭城利城皆有遺址而

陶城尤大與莫城等合前志所載九城共十有

二城縣接江陰東西相距僅百三十五里南北

七十三里而城若何其多耶按唐廣明中盜賊

奉起詔諸道州縣於墜落許立城堡集民兵自衛城多或恐以此

縣城 前志云縣城周迴二百四十步

高一丈厚四尺今不存

石城 吳越春秋夫差與樂石城越絕

書曰石城闔廬所置美人離城也吳地

志云吳王離宮越王獻西施於此今縣

北五里有石城里

金鳳城 在縣西北四十里

琴川卷一

四

尚墅城 在縣北十八里

九里城 在縣北九里

鵝城 在縣東南

扈城 在縣北五里

朗城 在縣東南

莫城 在縣南十二里

前志云莫城俗傳是莫耶鑄劍之所亦謂之劍城今有小廟云莫耶大王是也或謂之鎡鄒城有塘曰莫門縣

東四十里又有莫城按寰宇記漢莫寵所築以捍賊因名

陶城 在縣

郭城 在縣

利城 輿地志云晉元帝以海虞縣北境之土山立利城以處流民

門 建炎間李閻之建

東曰行春 在縣東由三里橋虹橋梅

西曰秋報 在縣西由許浦至江水東山

西曰秋報 在縣西由許浦至江水東山

琴川卷一

五

南曰承流 在縣南由三里斜橋出吳

塔至長洲縣界入府水曰

北曰宣化 在縣北由虞山北出頂山

東北曰介福 在市橋難龍墓出尚墅

水曰北橋 在縣東北由五里牌丁

坊

市必有坊尚矣裴中令之集賢坊白太傅之履道坊昭君坊之繁盛處士坊之凄寂皆足以觀里仁驗民風也前志載常熟凡十二坊曰言偃

文學德政和風惠政隱僊崇德化合信義開元  
清真常平今皆不存或謂管之坊今悉爲巷如  
子游巷意卽言偃坊歟而今之坊十有三則又  
各有其義

製錦坊

在縣治之右與飛鳥坊相對  
舊太平坊  
在縣治之左與製錦坊相對  
舊名仁壽坊  
在縣東

飛鳥坊

富民坊

春風坊

興福坊

壽安坊

叢桂坊

衍慶坊

聚星坊

袞繡坊

紫微坊

虞山坊

興賢坊

在縣南以縣學居其左故名  
本名學道坊前令王燾建後  
令別稱改今名

在縣西北以登虞山故名

在縣西北以錢丘富諸寓公  
皆居此故名

在縣西北以冷副端兄弟連  
登科故名

在縣西何家橋

琴川卷一  
六

紀瞻之居烏衣巷顧雍之居黃鸝巷皆因圖乘  
而傳縣有子游巷故後世以子游爲吳人者以  
巷而知也

吳國言公東巷

在縣西非舊名子游  
巷

吳國言公西巷

在縣西

市心巷

在縣東商賈交易之地

青果巷

在縣東

新街巷

金駝巷

在縣東南

廟巷

在縣西

鎮橋北巷

在縣東南

白家巷

在縣西北邵巷南

朱師巷

在縣西南養濟院南

曾家巷

在縣西北

邵巷

在縣西以何家橋故名

何家巷

在縣東北

冷家巷

琴川卷一  
七

捕盜巷 在縣東北

廟學

黨有庠遂有序二十五家里門有塾古之鄉校也郡縣分而鄉校廢宰百里而興學者載於歷代之史不過數十人他無所見然大槩則亦鮮矣宋均在辰陽禁絕淫祠修立學舍仇覽在蒲馮貨在禮泉論發蒙書訓迪學子令遇在餘姚行釋奠禮景毅在高陵修文立學禮遜化民呼此世道之所以不古也常熟縣學在縣東南

琴川志

九

二百步夫子廟居其中大成殿額乃宣和中頒降按祥符圖經至聖文宣王廟在縣南五十步以今地勢攷之不合然夫子廟其來舊矣而學宮之制未詳慶元志略不及之獨堂宇舊棟題至和者二得非慶曆有詔逮至和始創學歟淳熙十年令曾蔡加葺名講堂曰進學紹熙元年令葉知幾更曰明倫舊有齋九曰崇德時習好謀朋來利仁隆禮育英守卓隆德後所存四齋曰尚志尚德尚賢尚文端平初邑令王煥以其卑陋湫隘積

久滋弛日惟覆壓是懼且廟處于學併雜喧濁尤非所以尊事先聖乃因故址闢而新之放郡庠之制東為廟廟之前為殿門又前為櫺星門兩廡繪從祀徒吳公祠于殿後東建六先生祠廉溪周先生 橫渠張先生 明道程先生 伊川程先生 晦菴朱先生 南軒張先生生西為學前為學門中橫經乃曰明倫東西兩廡各列職事位序於其傍次為肄業之齋凡六曰志道據德依仁游藝曰稽古藏祭器祭服官書曰尚賢即小學也專以教育言氏子孫別明倫堂後

琴川志

九

為直舍齋廡暨庖廩器具增造悉備總為屋百二十楹加於舊者幾半而高闊壯麗則非舊所可髣髴也增置學糧至千斛訓導課程秩然有序學之庶事於是畢舉而講學修身所望於學者則甚切矣詳見臨邛魏樞密了翁記

吳公祠

吳公祠慶元三年令孫應時建為屋三楹在明倫堂之東偏朱文公為之記至寶慶間令惠疇以其卑狹乃更建于學之東門廡堂室幾三十

楹識者復議其位序失宜且規模高廣殆過於殿尤為非禮至是令王燿既遷禮殿乃徙是祠于殿之後始為宜稱故其上梁之文有曰自東自西兩嚴廟學之制在前在後兼妥師友之靈蓋叙其實云

### 社壇

常熟社壇在縣西一里三十步莫攷其創築之始紹興甲戌令任古淳熙辛丑令陳映嘉定辛巳令葉凱皆嘗修治然規模粗備禮制終未盡

琴川卷二

合加以地勢拘逼湫隘特甚嘉熙改元令王燿乃因故址闢而新之東西二十丈南北十七丈按政和祀式參以朱文公問答及代昌記所載為五壇四壝東社西稷居前北向東風伯西雨雷師居後南向與社稷相背中隔以墻壇皆三成前二壇址各方二丈五尺兩成三成各殺尺崇二尺後三壇址各方一丈六尺兩成三成各殺尺崇八寸壝四門社稷各壝方四丈五尺高三尺五寸瘞坎二居壝外之西北風師為一壝

方二丈八尺高二尺五寸雨雷師同為一壝高如風伯而方倍之甲居壇之南南北各為齋廬三間西北為大門扁以社壇袁甫繚以周垣焚以堅甃而植以松栗與土之所宜木於是始稱國家欽崇命祀之意知府事敷陽王尚書遂為之記

### 公解

單父之堂言游之室廣昌縣之廳事山陰縣之門堦見棠思召千古如存長百里者求稱其居可也

琴川卷二

縣解 多治平間屋廳之東北有琴堂紹興中令孔瓚重修淳熙中令劉穎改為學愛甲辰令曾榮新作寢室舊有君子堂共賦堂歲久多圯廢慶元戊午令孫應時乃一新之又於廳之東創笑軒葺其後圍為亭曰友山西為夾墻繚垣寢室後以通西偏為亭於西北曰是亭亭之南即共賦堂堂後累石為山竹木陰翳與君子堂通嘉泰壬戌令何究重

建縣廳頗雄壯開禧戊辰令葉凱於隔舍之南闢軒曰簾畫寶慶丙戌令惠疇於後圃創景言閣紹興辛卯令史彌厚治東圃建堂未名後令戴衍扁曰讀書堂嘉興丁酉令王煥因學愛堂之舊重行改創易曰道愛淳祐辛亥令別梅治西圃移讀書堂於其中有亭曰直節遂廢東圃云

丞廳 在縣治之東淳熙初元丞張孝

琴川志

伯重建廳事其燕坐曰涉筆曰篤素

簿廳 在縣治之西與丞廳相對淳熙

間簿蕭遠重修廳事有燕坐曰愛蓮靜

暉寄隱淳祐辛亥簿唐世忠復新其堂

榜曰均政

尉廳 在縣治之北二里隣順民倉紹

熙中尉趙笈夫所創廳事後小閣曰樂

山向西諸峰屏列几案間改曰挹翠後

為隣居障蔽無復曩時之勝易曰斗室

北有小圃圃有二亭曰藏春曰野趣歲久堙蕪而尉解亦頽圯矣淳祐戊申尉周介夫葺而新之廳庶堂宇視簪加壯廳之西偏軒曰梅隱後圃臨流築亭曰

濯纓

館驛

市有候館周制也漢十里有亭唐三十里有驛皆所以為往來次舍廬宿也寶號為郵令增修郵舍張希顏為萍鄉令完葺驛傳史類稱之驛

舍之修理是亦足以觀令之政云

縣東驛

在縣東南

琴川驛

在縣南承流門東西向漕渠舊址曰南亭嘉熙初元令王煥增闢一新榜今

甘棠館

在迎恩橋之東後更名八仙館紹熙五年令葉知幾更曰和旨堂

弦歌館

在縣西南二十步縣令葉凱更名百花堂今為賞心亭

亭樓

于東陽嘯課於涵碧亭李虞城遊憩於蠡丘館

世率謂其游亭館而廢事然觀柳子厚論作邑者以爲氣煩則慮亂視壅則志滯君子必有游息之物高明之具使之清寧平夷常若有餘然後理達而事虛則夫嘯詠游憩之地所以養其清明而爲政之助也若夫楊炯爲盈川令多治亭臺書榜美名則非爲政之所急矣

宣風樓

在縣治西紹熙辛未令曾慎建紹熙四年令葉知幾更日慶豐自此至賞心亭皆權

燕喜樓

在縣東

琴川卷一

四

旨清樓

在縣西北

春風樓

在縣東迎恩橋

賞心亭

在縣西即舊弦歌館

極目亭

在虞山上乾元宮前前眺平時一目無盡雙湖橫陳諸山歷歷可數最爲登覽之勝舊

縣樓

承平時所建頗壯麗紹興十一年太守徐琛築額乾道間令趙善括易以林東築刻石于廳事側慶元已未春令孫應時修之左右各有亭左曰御章手詔右曰寬恤事件

橋梁

嘗觀宋天聖三年蕪湖令董黃中浮橋政成仁宗嘉其有愛民之惠詔縣民愛護以圖永便則知縣有橋梁所以便民也爲令者亦不可不於此究心焉

縣橋

在縣治前十五步步

沈家橋

在縣西俗呼染子橋

市曹橋

在縣西

琴川橋

在縣治直南跨運河舊名信義淳熙十年令曾際重建改今名有曹緯記俗呼跨塘橋

琴川卷一

五

迎恩橋

在縣治直東

文學橋

在縣東北五百五十步舊名言假橋在縣東一百五十步志併二橋爲一未知何故

通濟橋

在縣東北俗呼坊橋

瞿橋

在縣東北舊志有隱仙和風二橋其名不存以方隅步數度之則二橋疑是

廣惠橋

在縣東北舊名通泰紹興間錢氏新之少卿陳挾書其名曰廣惠俗呼通江橋前者老橋記海舶常至邑郭故邑市

有通江橋

慶僊橋

在縣西南

顯星橋

在縣東南二百五十步父老相傳昔有星墜地為石尚存今在橋之東大數十圍深不知其根故以名橋旁有涇曰落星港

善利橋

在縣西南

昇仙橋

在縣

孩兒橋

在縣西北

順民橋

在縣東北

何家橋

在縣直西舊名和嘉

東何家橋

在縣東北舊名和豐

望仙橋

在縣西南

八字橋

在縣西南

太平橋

在縣東南

鎮橋

在縣直南

焦家橋

在縣東南舊名通利

范公橋

在縣西南

草橋

在縣西南

琴川卷一

六

龔家橋

在縣西南

王家橋

在縣西

中和橋

在縣西南

魚行橋

在縣

天心橋

在縣西北

金家橋

在縣西北

小車橋

在縣東南俗呼洞橋

黃栢橋

在縣西北

包家橋

在縣西北

俞家橋

在縣西北

倉庫

琴川卷一

十七

唐令籍帳傳驛倉庫河隄雖有專當皆縣令兼總之宋淳化三年嘗詔縣令之任風化所由宜躬撫字縣令不許監筦倉庫竊謂凡為縣者固不當以貨財為累然倉場庫務所合糾察管胡綱為河內令每親詣縣倉人以善政歸之則以高雅自將而不屑屑於此者亦非縣令之所貴也